

Bahagian A [30 markah]

Maklumat di bawah berkaitan dengan pelancongan tempatan.

Huraikan pendapat anda tentang pelancongan di Malaysia. Panjangnya huraian anda hendaklah **antara 150 hingga 200 patah perkataan**.



Kalau melancong dalam negeri, Ekonomi meningkat tidak terperi. Kalau melancong bersama keluarga, Silaturahmi akan sentiasa terjaga.	Kalau melancong bersama kawan, Gunung yang tinggi dapat ditawan. Kalau melancong sambil belajar, Banyak ilmu dapat dikejar.
---	---

Sumber: Dipetik daripada *Buku Teks Bahasa Melayu Tingkatan 5*, hlm. 96.

GERAN SEPADAN SEKTOR PELANCONGAN

Kementerian Pelancongan, Seni dan Budaya Malaysia

Mekanisme Pelaksanaan: Memberikan fokus kepada penganjuran program / acara pelancongan domestik dan antarabangsa.

SILING PERUNTUKAN

PELANCONGAN DOMESTIK
SEHINGGA RM 500 000

PELANCONGAN ANTARABANGSA
SEHINGGA RM 1 JUTA

Penganjur dibenarkan memohon lebih daripada satu penganjuran program / acara pada tahun semasa tetapi setiap permohonan **perlu mempunyai konsep dan pengisian yang berbeza**.

Sumber: Dipetik dan diubah suai daripada "Garis Panduan Geran Sepadan Sektor Pelancongan (GSSP) 2022",
<http://motac.gov.my/geran-panduan>

Bahagian B
[70 markah]

Bahagian ini mengandungi **empat** soalan. Jawab **satu** soalan.

Tulis sebuah karangan yang panjangnya **antara 350 hingga 500 patah perkataan**.

Soalan 1

“Gagal sekali tidak bermakna gagal selama-lamanya. Oleh itu, saya akan meningkatkan usaha dan menguatkan azam serta kekuatan untuk bangkit semula bagi mencapai kejayaan yang cemerlang”. Jika anda gagal dalam pelajaran, masa depan anda tidak semestinya gelap selagi anda mempunyai kesungguhan untuk berjaya seperti murid cemerlang di atas, iaitu Syazana Ahmad (Murid tidak cemerlang PT3 tetapi cemerlang SPM)”.

Sumber : Internet

Sedutan kata-kata pelajar cemerlang di atas menerangkan kegagalan sekali bukanlah kegagalan segala-segalanya tetapi motivasi untuk berjaya pada masa hadapan.

Jelaskan usaha-usaha yang akan anda lakukan untuk mencapai kejayaan yang cemerlang dalam peperiksaan Sijil Pelajaran Malaysia (SPM).

Soalan 2

Merdeka! Merdeka! Merdeka! Teriakan suara hangat, suara penuh semangat, suara keramat yang keluar daripada jiwa yang merdeka. Zaman dulu-dulu, ketika nenek moyang kita menyebut serta melafazkan perkataan ini dengan suara bergetar yang mempunyai rasa dalam jiwa kerana mereka berasa sangat-sangat terharu, sangat gembira dan sangat bersyukur. Kini, bagaimana perasaan kita apabila perkataan merdeka ini disebut atau dilafazkan? Adakah kita berasa terharu? Adakah kita berasa bersyukur? Atau paling tidak, adakah kita rasa bangga?

(Dipetik daripada ‘Semangat patriotisme perlu dijiwai, bukan sekadar simbolik’, oleh Dr Ahmad Zaharuddin Sani Ahmad Sabri, *BH Online*, 18 September 2014)

Berdasarkan petikan ini, teriakan merdeka mempunyai makna yang mendalam bagi masyarakat terdahulu, tetapi kini anak-anak muda sekarang kurang menghayati ungkapan merdeka ini.

Bincangkan peranan pelbagai pihak untuk menyemarakkan semangat patriotik dalam diri generasi muda kini.

Soalan 3

Usaha mengekalkan keharmonian negara yang memiliki masyarakat berbilang kaum dilihat bukan satu perkara mudah dan boleh dipandang enteng. Oleh itu, semua lapisan masyarakat tidak kira di peringkat pemimpin negara mahupun anak kecil perlu memainkan peranan masing-masing dalam menjaga keharmonian yang telah kita kecapai selama ini.

Sumber : Internet

Petikan berita di atas bertemakan kepentingan mempertahankan keharmonian dan kedaulatan tanah air melalui semangat perpaduan antara kaum.

Jelaskan pendapat anda tentang kepentingan-kepentingan semangat perpaduan antara kaum dalam masyarakat kita.

Soalan 4

Hakikatnya, keadaan masa kini sangat terkesan kepada bakal graduan bagi tahun 2020. Kadar persaingan untuk memperoleh pekerjaan adalah sangat tinggi. Bakal graduan perlu bersaing untuk memenuhi keperluan pasaran pekerjaan. Graduan yang mempunyai kemahiran dan kompeten, mempunyai suatu kelebihan dalam kebolehpasaran pekerjaan. Isu ini membolehkan majikan membuat pilihan dalam mendepani cabaran ketidaktentuan ekonomi semasa.

Sumber : Internet

Petikan di atas menyatakan maklumat berkaitan persaingan graduan menghadapi cabaran dunia kerjaya.

Bincangkan persediaan-persediaan untuk menempuh alam pekerjaan.